



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2009. GODINU BOSANSKOHERCEGOVAČKE STRANKA PRAVA

Broj: 03-07-6-39/10
Sarajevo, 28. decembar 2010. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE.....	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Bosanskohercegovačke stranke prava za 2009. godinu.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Bosanskohercegovačka stranka prava nije ispoštovala odredbe člana 11. stav (3) i stav (4) Zakona o finansiranju političkih stranaka jer finansijski izvještaj koji je dostavila Centralnoj izbornoj komisiji BiH nije popunila u skladu sa Pravilnikom o godišnjim finansijskim izvještajima političkih stranaka i na zahtjev Centralne izborne komisije BiH nije dostavila dodatnu finansijsku dokumentaciju.

Pregledom, odnosno kontrolom godišnjeg finansijskog izvještaja, a obzirom na činjenicu da politička stranka nije dostavila dodatnu finansijsku dokumentaciju, nismo zapazili ništa značajno, osim gornje napomene, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Bosanskohercegovačke stranke prava za 2009. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2009. godinu Bosanskohercegovačka stranka prava nije ostvarila nikve prihode.

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	0,00 %
2	Prilozi fizičkih lica	0,00	0,00 %
3	Prilozi pravnih lica	0,00	0,00 %
4	Prihodi od imovine	0,00	0,00 %
5	Prihodi od pr.lica	0,00	0,00 %
6	Prihodi od poklona	0,00	0,00 %
7	Prihodi iz budžeta	0,00	0,00 %
	Ukupni prihodi:	0,00	0,00 %

U finansijskom izvještaju Bosanskohercegovačke stranke prava je iskazala rashode u iznosu od 150,00 KM.

2. PREDSTAVLJANJE POLITIČKE STRANKE

Naziv političke stranke: Bosanskohercegovačka stranka prava. Skraćeni naziv stranke je BSP. Politička stranka je upisana u sudski registar 23.05.1994. godine kod Kantonalnog suda u Bihaću pod brojem 01:1/94.

Sjedište političke stranke je u Bihaću, ulica Bihaćkih branilaca 5.

Za zastupanje stranke ovlašteni su: Besim Šarić - predsjednik stranke, Miroslav Jurković – podpredsjednik stranke, Emina Sabljaković - predsjednica Visokog suda časti, Ismet Bašić - generalni sekretar stranke i Emira Rakanović – predsjednik nadzornog odbora. Osoba ovlaštena za podnošenje finansijskih izvještaja za 2009. godinu je Emira Rakanović.

U godišnjem finansijskom izvještaju BSP za 2009. godinu je navedeno da politička stranka osim glavnog odbora nema organizacionih dijelova nižeg nivoa.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Bosanskohercegovačke stranke prava za 2009 godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Bosanskohercegovačka stranka prava u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Bosanskohercegovačke stranke prava obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE KONTROLE I REVIZIJE

U ranijem periodu izvršen je pregled godišnjeg finansijskog izvještaja Bosanskohercegovačke stranke prava za 2005. i 2007. godinu, nakon kojih su izdati izvještaji o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 4., člana 6. i člana 11. stav (3) Zakona o finansiranju političkih stranaka.

Radi nedostavljanja finansijskog izvještaja za 2006. godinu i onemogućavanja revizorima Službe za reviziju da izvrše reviziju finansijskog izvještaja u prostorijama stranke u skladu sa članom 14. stav (7) Zakona o finansiranju političkih stranaka, Odlukom Centralne izborne komisije Bosne i Hercegovine broj 01-07-6-191/08 od 18.01.2008. godine Bosanskohercegovačkoj stranci prava je izrečena administrativna mjera kojom joj je uskraćeno pravo da se kandiduje na narednim izborima, odnosno Lokalnim izborima 2008. godine.

Godišnji finansijski izvještaj za 2008. godinu stranka dostavila sa zakašnjenjem od godinu dana, odnosno 04.03.2010. godine.

5. NALAZI I PREPORUKE

5.1. NALAZI

- a) Na osnovu obavljenog pregleda godišnjeg finansijskog izvještaja utvrđeno je da Bosanskohercegovačka stranka prava nije ispoštovala odredbe člana 11. stav (3) Zakona o finansiranju političkih stranaka.¹**

Finansijski izvještaj koji je dostavila Centralnoj izbornoj komisiji BiH stranka nije popunila u skladu sa Pravilnikom o godišnjim finansijskim izvještajima političkih stranaka.

¹ U skladu sa odredbama člana 11. stav (3) Zakona o finansiranju političkih stranaka, politička stranka je obavezna podnijeti finansijski izvještaj u formi koju odobri Centralna izborna komisija BiH. Formu izvještaja i njegov način podnošenja, Centralna izborna komisija BiH je propisala Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06)

- Stranka je u finansijskom izvještaju prijavila pogrešan broj i pogrešan promet transakcijskog računa. Kontrolom finansijskog izvještaja koji je Bosanskohercegovačka stranka prava dostavila Centralnoj izbornoj komisiji BiH i finansijskih iskaza koje je dostavila Agenciji za finansijske, informatičke i posredničke usluge (AFIP)², utvrđeno je da je stranka u izvještajima iskazala različite podatke o transakcijskom računu, koji je otvoren kod Una banke d.d. Bihać.
U finansijskom izvještaju koji stranka dostavlja u skladu sa članom 11. stav 3. Zakona o finansiranju političkih stranaka, iskazan je promet u iznosu 150,00 KM, odnosno isplata za troškove zakupnine poslovnog prostora, dok u finansijskim izvještajima koje je stranka dostavila AFIP-u uopšte nije iskazan promet.
- U godišnjem finansijskom izvještaju koji je dostavila Centralnoj izbornoj komisiji BiH, stranka je iskazala obaveze prema dobavljačima u iznosu od 9.497,00 KM i to: obavezu prema pravnom licu „Šipad Bina“ Bihać iznos od 7.648,00 KM i obavezu prema pravnom licu ŠNZ Bihać iznos od 1.849,00 KM.
Uvidom u bilans stanja, koji je stranka sačinila na osnovu podataka iz svojih poslovnih knjiga i u skladu sa računovodstvenim propisima podnijela AFIP-u, utvrđeno je da na 31.12.2009. godine nije imala obaveze, koje je prijavila u finansijskom izvještaju.

b) Stranka nije ispoštovala odredbe člana 11. stav (4) Zakona o finansiranju političkih stranaka³, odnosno nije dostavila dodatnu finansijsku dokumentaciju.

Centralna izborna komisija BiH je aktom broj: 03-07-6-39/10, od 26.05.2010. godine⁴ zatražila od Bosanskohercegovačke stranke prava da dostavi dodatnu finansijsku dokumentaciju i to: Glavnu knjigu sa analitičkim evidencijama stranke za period 01.01.-31.12. 2009. godine, kopiju izvoda sa transakcijskog računa stranke u periodu 01.01.-31.12.2009. godine, kopiju ugovora o zakupu poslovnog prostora koji je stranka koristila u 2009. godini i konfirmaciju (potvrdu obaveza) od strane dobavljača prema kojima je stranka iskazala obavezu u finansijskom izvještaju.

Stranka na zahtjev Centralne izborne komisije BiH nije dostavila finansijsku dokumentaciju, pa joj je 30.09.2010. godine upućena urgencija za dostavu tražene dokumentacije.

Obzirom da Bosanskohercegovačka stranka prava nije postupila niti po zahtjevu, niti po urgenciji, odnosno nije dostavila finansijsku dokumentaciju, koju je od nje tražila Centralna izborna komisija BiH, prekršila je odredbe člana 11. stav (4) Zakona o finansiranju političkih stranaka.

² Godišnji obračun koji je politička stranka u skladu sa odredbama člana 4. stav (2) Pravilnika o godišnjim finansijskim izvještajima političkih stranaka obavezne dostaviti CIK BiH

³ Sva lica koja su dužna da podnesu izvještaj, moraju da podnesu i dodatne izvještaje koje Centralna izborna komisija BiH zatraži.

⁴ Dostavljanje zahtjeva je izvršeno javnim saopštenjem na oglasnoj ploči Centralne izborne komisije BiH, u skladu sa članom 85. Zakona o upravnom postupku (Službeni glasnik BiH broj: 29/02, 12/04, 88/07 i 93/09).

5.2. PREPORUKE

Preporučuje se Bosanskohercegovačkoj stranci prava da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *Da finansijske izvještaje koje dostavlja Centralnoj izbornoj komisiji Bosne i Hercegovine podnosi uskladu sa odredbama člana 11. stav (3) Zakona o finansiranju političkih stranaka i u formi propisanoj Pravilnikom o godišnjim finansijskim izvještajima političkih stranaka i*
- *Da dostavlja finansijsku dokumentaciju koju dodatno od stranke zatraži Centralna izborna komisija BiH.*

Komentar

Bosanskohercegovačka stranka prava se nije očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2009. godinu koji joj je dostavljen 15.12.2010. godine.

Mr. Hasida Gušić, šef Službe za reviziju - revizor